

ՍՏԵՓԱՆ ՇԱՀԲԱԶՅԱՆ


(Մեկդրան ուրսումնական առթիվ)

Ի. Հ. ԽԱԶԱՏՐՅԱՆ

Սփյուռքահայ աշխատավոր զանգվածների շարքերից ելել են բազմաթիվ առաջադեմ գործիչներ, որոնց անցած ուղին արժանի է պատմարան-հետազոտողների ուշադրության: Առանձնապես կարևոր է ուսումնասիրել սփյուռքահայ այն մարտիկների կյանքն ու գործունեությունը, որոնք դաստիարակություն ստանալով և կոփվելով եղբայրական կոմունիստական պարտիաճների շարքերում, նվիրաբերել են իրենց կյանքը ժողովուրդների սեղանցիոն պայքարին:

Այդ գործիչների թվին է պատկանում Ստեփան Շահբազյանը: Նրա մասին զբված են մի շարք հոդվածներ¹: Բարձր ղեհահատելով այդ հոդվածների ճշանակությունը Սա. Շահբազյանի հիշատակը հավերժացնելու գործում, բնութագրված ենք, այնուամենայնիվ, նշել, որ դրանք իրենց փաստացի նյութով հեռու են Ստ. Շահբազյանի կյանքի ուղին յրիվ պատկերելուց: Նման հավակնություն չունենք և մենք: Սակայն պետք է նշենք, որ այս հոդվածը Ստեփան Շահբազյանի փոքրիշատե ծավալուն և ամբողջական կենսագրականի իմքը ստեղծելու առաջին փորձն է:

Ստեփան Շահբազյանը Բուզարիայի կոմունիստական պարտիայի ակա-նավոր գործիչներից մեկն էր, բուզարահայ աշխատավորների շրջանում ուն-լուցիոն և կոմունիստական շարժման տաղանդավոր և փայլուն կազմակեր-պիչն ու ղեկավարը: Նրա ամբողջ կյանքը սոցիալիզմի գործին, բանվոր դա-



¹ Տե՛ս Գրիգոր Շիշմանյան, Ստեփան Կ. Շահբազյան (մահվան 35-ամյակի առթիվ), «Երևան» թերթ (Սոֆիա), 1958, սեպտեմբերի 19: Մ. Իվանով, Առնական մարտիկ և հայ-րենասեր, «Երևան» թերթ (Սոֆիա), 1957, մայիսի 10: Դերենկուհի Մինասյան, Պարտիայի հարազատ զավակը, «125 տարի ի սպաս ժողովրդական լուսավորության» ժողո-վածու, Պլովդիվ, 1959, էջ 28-29: Ружа Шахбазян, Видни пловдивски полити-чески дейци. Степан Шахбазян, «Пловдив» ամսագրում, 1955, № 4, էջ 10-13 և մի-բասի այլ հոդվածներ:

սակարգին և պրոլետարական ինտերնացիոնալիզմի զաղափարներին հավատարմորեն ծառայելու գեղեցիկ օրինակ է:

Ստեփան Շահրազյանի աշխարհայացքի ձևավորումը տեղի է ունենում Բուլղարիայում, Պլովդիվ քաղաքում, XIX դարի վերջում: Դարաշրջանը և միջավայրը այդ ձևավորման որոշիչ գործոններն են: XIX դարի երկրորդ կեսը Բուլղարիայի պատմության մեջ նշանավորվեց կապիտալիստական հարարությունների զարգացմամբ, բանվոր դասակարգի և արդյունաբերական կենտրոնների ձևավորումով: XIX դ. վերջից սկսվում է բուլղարական բանվորական և սոցիալիստական շարժումը, որը կապված է Դիմիտր Բլագոևի անվան հետ: Դ. Բլագոևը կազմակերպում է սոցիալիստական առաջին խմբակները, իսկ 1891 թ. հիմնադրում է Բուլղարական սոցիալ-դեմոկրատական պարտիան (ԲՍԴՊ)՝ բուլղար պրոլետարիատի ռեոլյուցիոն մարքսիստական պարտիան, որը 1894 թ. վերանվանվում է Բուլղարական բանվորական սոցիալ-դեմոկրատական պարտիա՝ ԲԲԴԴՊ:

1893—94 թթ. սկսվում է բուլղարական բանվորական շարժման ակտիվացումը, տեղի են ունենում առաջին կազմակերպված գործադուլները: Բուլղարիայի բանվորական կարևոր կենտրոններից մեկն էր Պլովդիվ քաղաքը: Պատահական չէ, որ այդ քաղաքի հետ է կապված Դ. Բլագոևի կյանքի ու գործունեության համարյա քսանամյա (1885—1903) մի շրջան²: 1904—1919 թթ. Պլովդիվում ապրում և տեղի պարտիական կազմակերպությունն էր ղեկավարում նաև Բուլղարական կոմունիստական պարտիայի մարտական առաջնորդ Վասիլ Կոլարովը: Պլովդիվը բազմազգ, իսկական բանվորական քաղաք էր, պրոլետարական դասակարգային պայքարի հիանալի զոլոցը: ամեն մի ռեոլյուցիոնների համար Վ. Կոլարովը, հեռագրայում վերհիշելով իր աշխատանքը Պլովդիվում, ասում էր՝ «Նա շատ բանով եմ պարտական Պլովդիվի աշխատավորներին: Ենձ համար դա ժողովրդական մի համալսարան էր»³:

Պլովդիվը միաժամանակ բուլղարահայ զաղուլի կենտրոնն էր, որի վրա, բնականաբար, չէր կարող չանդրադառնալ երկրում տեղի ունեցող կապիտալիզմի զարգացման ընդհանուր պրոցեսը: Պլովդիվի բազմազգ պրոլետարիատի շարքերը համալրվում էին նաև հայ բանվորների զանգվածներով: XX դարի սկզբին արդեն քաղաքում կար հայ բանվորների զգալի մի խավ՝ յազմաջիններ, ծխախոտագործներ, կաշվի արդյունաբերության բանվորներ, որոնք աշխատում էին քաղաքի գործարաններում ու ֆաբրիկաներում բուլղար, հույն, թուրք և այլ ազգերի բանվորների հետ կողք-կողքի:

XIX դարի վերջում արդեն Պլովդիվի հայերի շարքերից դուրս են գալիս սոցիալիստական առաջին գործիչները: 1896 թ. Փարիզից Պլովդիվ է վերադառնում Տիգրան Իսմիլյանը՝ Պլովդիվի պրոլետարիատի ամենաժողովրդական և հմայիչ ղեկավարներից մեկը, Բլագոևի և Կոլարովի մտերիմ բարեկամը, որին քաղաքի պրոլետարիատը Չիչո (Քեոի) անունն էր տվել⁴:

Այսպիսին էր այն միջավայրը, ուր հասակ առավ և ձևավորվեց Ստ. Շահրազյանը:

² Тодор Белчов, Димитър Благоев в Пловдив (1885—1903 гг.), «Годишник музеите в Пловдивски окръг», Държавно издателство «Наука и изкуство».

³ ՏԵՍ Պլովդիվի «Отечествен глас» թերթի 1947 թ. հուլիսի 16-ի համարը:

⁴ ՏԵՍ մեր «Տիգրան Իսմիլյան» հոգվածը «Անհիշյալ ուղիով» ամսագրի 1963 թ. № 1-ում:

Ստեփան Շահրազյանը ծնվել է 1883 թ. մայիսի 1-ին, Պլովդիվ քաղաքում, ծխախոտագործ (թյուֆյունջի) բանվորի ընտանիքում: Նրա հայրն իր ժամանակի առաջավոր բանվորներից էր, ծխախոտագործ բանվորների գործադուլների ակտիվ մասնակից, որի տունը բազմիցս հյուրընկալել և պատրաստվել է ուսական քաղաքական էմիգրանտներին և անլեզալ գրականության թարգմաններից մեկն է եղել: Նկարագրելով Ստ. Շահրազյանի մանկությունն ու ընտանիքը, Գ. Մինասյանը գրում է. «Բանվորական ընտանիքի մեջ, ուր ամենօրյա հացի պայքարը ընտանիքի անբաժան ուղեկիցն էր, փոքրիկ Ստեփանը, տակավին երեխա, կրախի սոցիալական անարդարության և կլսել իր տանջված, բայց արթուն հոր ցասկոտ բողոքով լի խոսքերը»⁵: 1892 թ. Ստ. Շահրազյանն ընդունվում է Պլովդիվի հայկական դպրոցը, իսկ 1896 թ. գերագանց գնահատականներով ավարտում այն՝ և նույն թվականին ընդունվում է Պլովդիվի արական գիմնազիան: Ուսուցումն այս գիմնազիայում, որը քաղաքում հայտնի էր իր «խոսվարար» ոգով, շրջադարձային դեր է խաղում պատանի Ստեփանի աշխարհայացքի ձևավորման գործում: 1894-ից մինչև 1897 թ., այսինքն Շահրազյանի գիմնազիա ընդունվելու շրջանում, այստեղ ուսուցչություն էր անում Գ. Բլագոսեր, որն ավանդում էր Բուլղարիայի պատմություն, բուլղար և ուսուցչ լեզուներ և որը 1897 թ. հեռացվեց գիմնազիայից ուսուցչի ղեկավարության համար⁶:

Գիմնազիայում վաղուց գոյություն ունեցող «Напредък» աշակերտական առաջադեմ խմբակը այդ շրջանում արդեն ամբողջապես գտնվում էր Բ. Բլագոսերի ազդեցության ներքո և, ըստ էության, մարքսիստական, սոցիալիստական խմբակ էր, որտեղ ընթերցանության հիմնական նյութերից մեկը Գ. Բլագոսերի աշխատություններն էին: Այս խմբակը գոյություն ունեցավ մինչև 1903 թ.: «Напредък» խմբակը ուսուցչի ղեկավարությամբ զարգացավ բուլղարական բանվորական և կոմունիստական շարժման ապագա գործիչների մի ամբողջ պլեադայի՝ Գ. Բակալովի, Իվ. Կլինչարովի, Գ. Բրուկերի, Ն. Մուլետարովի, Ն. Բլերովի, Պ. Սավովի, Ն. Բոսպոլոսկինովի և ուրիշների համար, որոնց մարտական ընկերը դարձավ նաև Ստ. Շահրազյանը: Ընդունվելով գիմնազիա Ստ. Շահրազյանն անմիջապես ներգրավվում է այդ խմբակի մեջ, դառնում է նրա ամենակտիվ անդամներից մեկը⁷ և Գ. Բլագոսերի աշակերտը լինելով, նրա անմիջական ազդեցությամբ, տարվում է մարքսիզմով ու սոցիալիզմով, հետագայում իր ամբողջ կյանքը նվիրելով բանվոր դասակարգի ազատագրության գործին: Գիմնազիայում Ստեփան Շահրազյանը սովորեց ընդամենը չորս տարի՝ 1896-ից մինչև 1900 թ. և ստիպված եղավ նյութական ծանր պայմանների պատճառով թողնել ուսումը և աշխատանք որոնել: Ստ. Շահրազյանը շատ ընդունակ մարդ էր. նա ազատ տիրապետում էր հայերեն, բուլղարերեն, թուրքերեն, ֆրանսերեն և ուսերեն լեզուներին: Դարձ ժամանակում նա ուսումնասիրում է հաշ-

⁵ Р у ж а П а х б а з я н, նշվ. հոդվ.:

⁶ Գ և ր ե ն կ ու հ ի Մ ի ն ա ս յ ա ն, նշվ. հոդվ., էջ 28:

⁷ Նույն տեղում:

⁸ Х. Х р и с т о в, К. В а с и л е в, Димитр Благоев (биографический очерк), Москва, Изд-во Иностранной литературы, 1958, էջ 35:

⁹ Այս խմբակի գործունեության մասին տե՛ս Ц в е т а н а Т о д о р о в а, Първи стъпки на младежкото революционно движение в България, издателство на ЦК на ДКМС „Народна младеж“, София, 1960

¹⁰ Т о д о р Б е л ч о в, նշվ. աշխ., էջ 32:

վապահությունը և աշխատանքի է անցնում տնտրական ձևերով կազմակերպվողներին: 1901 թ., տակավին 18 տարեկան, Ստ. Շահբազյանն արդեն ԲԲՄԴՊ անդամ էր: Այդ տարեթիվն ապացուցվում է փաստացի տվյալներով, որովհետև 1901 թ. գեկտեմբեր ամսին Ստ. Շահբազյանը Դ. Բլագոսկի անձնական երաշխավորությամբ ընդունվում է «Ռարոտնիկ» սպառողական կոոպերատիվի անդամ¹¹, որի վարչության նախագահն էր ինքը՝ Դ. Բլագոսկի և որի անդամ կարող էին լինել միայն ԲԲՄԴՊ անդամները: 1901—1903 թթ. Ստեփան Շահբազյանը պրոպագանդիստական և կազմակերպական ակտիվ աշխատանք է կատարում բանվորների և երիտասարդության շրջանում, մասնակցում է պարտիայի բնտրական պայքարին, անձամբ ղեկավարում է աշակերտական սոցիալիստական խմբակների աշխատանքը¹²: Այդ տարիներին պարտիայի ներսում աճում էր պայքարը «լայն» («շիրոկի») սոցիալիստական՝ սպորտունիստական և «նեկ» («տեսնի») սոցիալիստական՝ ուղղությից մարքսիստական հոսանքների միջև, որն ավարտվեց պարտիայի պառակտումով, 1903 թ. կայացած ԲԲՄԴՊ X համագումարում: Պարտիան որոշվեց «շիրոկի» սոցիալիստների և «տեսնի» սոցիալիստների, վերջինս կոչվեց Բուլղարական բանվորական («տեսնի սոցիալիստների») սոցիալ-դեմոկրատական պարտիա: Այդ պայքարի սկզբից Ստ. Շահբազյանը հարեց «տեսնյակների» ուղղությիցն թիկն և մինչև կյանքի վերջը մնաց նրանց շարքերում:

1903 թ. սկսվում է բուլղարական բանվորական շարժման նոր վերելք, աճում է գործադուլային շարժումը: Պարտիայի X համագումարը առանձնահատուկ նշանակություն է տալիս բանվորական արհմիութենական շարժմանը և հատուկ աշխատանք է ծավալվում այդ ուղղությամբ: Ստեփան Շահբազյանը մեծ աշխատանք է սկսում արհմիություններ կազմակերպելու, մասնավորապես «յազմաջի» բանվորների և առևտրական ծառայողների արհմիություններ (սինդիկատներ) ստեղծելու ուղղությամբ: Այդ տարիներին Ստ. Շահբազյանն արդեն Պլովդիվի բանվորների շրջանում ժողովրդայնություն վայելող և սիրված ղեկավարներից մեկն էր: Նրա մարտական գինակիցը, բուլղարահալ աշխատավորների շրջանում ուղղությիցն աշխատանքի ակտիվ կազմակերպիչներից մեկը՝ Գրիգոր Շիշմանյանը (Շիշկո) այդ շրջանի մասին գրում է՝ «... նա կարճ ժամանակում վաշելում է բոլոր ազգությունների բանվորների սերն ու համակրանքը, որի համար նրանք հարգանքով «բաբա» (հայր) էին անվանում նրան: Այդ անունը, որպես պարտիական կեղծանուն, մնաց մինչև նրա կյանքի վերջը»¹³:

1904—1912 թթ. երկրում տեղի է ունենում բանվոր դասակարգի քանակական զգալի աճ և բանվորական շարժման անընդմեջ վերելք, հատկապես 1905—1907 թթ. սուսական սեռվայրիայի ազդեցության ներքո: Աճում են պարտիայի շարքերը: Պարտիան հատուկ ուշադրություն է նվիրում արդյունաբերական պրոլետարիատի մեջ տարվող աշխատանքին և արդյունաբերական

¹¹ Տե՛ս «Димитър Благоев—сборник от документи. 1875—1924», София, 1956, էջ 244—245: «Протокол на годишното общо събрание на работническото кооперативно дружество», «Работник», № 129, 6/XII 1901.

¹² Цветана Тодорова, Първи стъпки на младежкото революционно движение в България, էջ 54—55.

¹³ Գրիգոր Շիշմանյան, նշվ. հոդվ.

կենտրոններն է ուղարկում իր լավագույն ղեկավարներին: 1904 թ. ԲՔՄԿ (տ. ս.) Պ կենտրոնական կոմիտեն Պլովդիվ է գործուղում բուլղարական պրոլետարիատի մարտական ղեկավար Վասիլ Կոլարովին: Կոլարովը մեծ աշխատանք է ծավալում քաղաքում: Նրա անմիջական ղեկավարության ներքո շարունակում են աճել և ձևավորվել Պլովդիվի պրոլետարիատի ղեկավարները: Բուլղար հեղինակ Ռ. Ֆիլիպովը այդ շրջանի մասին գրում է. «Նրա (Վ. Կոլարովի—Ռ. Խ.) շուրջն է համախմբվում և նրա անմիջական ղեկավարության ներքո աճում է ինտելիգենտ և բանվորական կազմերի այնպիսի նվիրված մի պլեադա, որպիսին էին Նիկոլա Դոստոգինովը, Պենչո Սավովը, Նիկոլա Ֆ. Գինևը, Նիկոլոս Խր. Գլըբովը, Խալաչև Եղրայրները, Ստեփան Շահրազյանը, Ստեփան Քիրաջիևը և ուրիշներ, որոնցից շատերը հերոսաբար զոհվեցին սեպտեմբերյան էպուպեայի ժամանակ»¹⁴: Ստեփան Շահրազյանը դառնում է Վասիլ Կոլարովի աշակերտն ու պինակիցը, նրանց միջև անձնական սերտ բարեկամություն է ստեղծվում:

Տեսնյակների պարտիան մեծ նշանակություն է տալիս Բուլղարիայում ապրող ազգային փոքրամասնությունների շրջանում տարվող աշխատանքին և նրանց համարուղարական բանվորական շարժման մեջ ներգրավելու գործին: Լեռնաձևապես մեծ նշանակություն է տալիս դրան Վ. Կոլարովը այնպիսի մի բաղադրիչ քաղաքում, որպիսին էր Պլովդիվը և որտեղ արդեն ազգային փոքրամասնություններից աճել էին Տիգրան (Չիչո) Իսմիլյանը, հուլյն Արգիր Դեմիրովը՝ «Բայ Արգիրը» և մի շարք ուրիշ ղեկավարներ: Հիշելով հետագայում իր գործունեության Պլովդիվի շրջանը Վ. Կոլարովն ասում էր՝ «Մենք քաղաքական և լուսավորական լայն աշխատանք ծավալեցինք: Մեզ էր պատկանում, եթե կարելի է այսպես արտահայտվել, սոցիալիստական պրոպագանդայի և գործունեության մենաշնորհը Պլովդիվում: Մենք հաջողությամբ թափանցում էինք բնակչության համարյա բոլոր հասարակական խավերի մեջ: Ինչպես արդեն ասացի, մենք կազմակերպեցինք անգամ թուրք բանվորներին, որոնք մայիսի 1-ին կարմիր ֆեսերով ցույցի դուրս եկան: Մենք ընդգրկել էինք նաև կաթոլիկներին, հայերին, հույներին, կանանց»¹⁵: Ինքը Վ. Կոլարովը լավ գիտեր ազգային փոքրամասնությունների աշխատավորների վիճակը: Բուլղարիայում մինչև 1905 թ. գոյություն չունեի աշխատանքային ոչ մի օրենսդրություն: Պլովդիվ գալով, Վ. Կոլարովն սկսեց ուսումնասիրել բանվորների աշխատանքի պայմանները և այդ պրոցեսում մոտիկից ծանոթացավ նաև հայ բանվորների վիճակին: «Աշխատանքի ինսպեկցիան Պլովդիվում» հողվածում Վ. Կոլարովը մանրամասն նկարագրել է Պլովդիվի մի շարք գործարանատերերի, այդ թվում՝ հայերի՝ Մ. Թովմասյանի, Օ. Կուրբալյանի, Թամիրյանցի, Մ. Դոնիկյանի, Ա. Սինեմյանի, Նշանյան Եղրայրների, Ս. Չորուլյանի և մի շարք ուրիշների գործարաններում և ձեռնարկություններում տիրող վիճակը, որտեղ աշխատում էին նաև բազմաթիվ հայ բանվորներ:

Այդ տարիներին տեսնյակներն արդեն մեծ աշխատանք էին տանում նաև հայ աշխատավորության շրջանում: Այդ աշխատանքին մասնակցում էին «տեսնյակների» պարտիայի հայ անդամները՝ Տիգրան Բամիլյանը, Արտաշես Մուրադ-

¹⁴ Русин Филипов, Предан сын на народа (по случай 70-годишниката на Васил Коларов). *ՏԷՍ «Отечествен глас» Թերթի (Պլովդիվ) 1947 թ. հուլիսի 16-ի համարը*:

¹⁵ ՏԷՍ «Отечествен глас», 1947, հուլիսի 16:

յանը, Փառնիկ Ռյուբյունջյանը, քիչ ավելի ուշ՝ Հրանտ Մոմջյանը, Գրիգոր Շիշմանյանը, Հարություն Մելքոնյանը, Ռուսենոմ—Արտաշես Ասլանյանը և շատ ուրիշներ։ Ազգային փոքրամասնությունների, այդ թվում նաև հայերի մեջ մեծ աշխատանք էր կազմակերպում Պլովդիվի պարտիական ակումբը՝ հայտնի «Народен Дом»-ը։ Պարտիական ընդհանուր աշխատանքի հետ միասին, Ստեփան Շահրադյանը ղլխավորում է բուլղարահայ աշխատավորների մեջ տարվող աշխատանքը և դառնում բուլղարահայ գաղութի ռևոլյուցիոն շարժման ճանաչված մարտական ղեկավարը։ 1909—1910 թթ. ԲԲՍԴ (տ. ս.)Պ ծավալելով իր աշխատանքը, բանվորական ավելի լայն մասսաները պարտիա-լի մեջ ընդգրկելու նպատակով սկսում է կազմակերպել «բանվորական լուսավորական միություններ», որոնց նպատակն էր աստիճանաբար ծանոթացնել բանվորներին սոցիալիստական ուսմունքի հետ և պատրաստել նրանց պարտիայի շարքերն ընդունվելու համար։ Նման խմբակներ ստեղծվում են նաև ազգային փոքրամասնությունների շրջանում՝ պրոպագանդիստական աշխատանքը նրանց մայրենի լեզվով կազմակերպելու և ավելի մատչելի դարձնելու նպատակով։ Այս առաջությամբ է, որ 1909 թ. Պլովդիվում, Ստեփան Շահրադյանի նախաձեռնությամբ ու ջանքերով կազմակերպվում է «Հայ բանվորական «Նոր հոսանք» լուսավորական խումբը»։ Հետևում է խմբի վարչություն, որի նախագահն է դառնում Ստեփան Շահրադյանը, քարտուղար՝ Գրիգոր Շիշմանյանը (Շիշկո), իսկ անդամներ՝ Տիգրան Խամիյանը, Արտաշես Մուրադյանը և Հրանտ Մոմջյանը։ Խումբը զգալի աշխատանք է ծավալում բուլղարահայության շրջանում։ Ուշադրության արժանի է այն փաստը, որ «Նոր հոսանք» խումբը հատուկ կոչ է հրապարակում ուղղված դաշնակցության և այլ բուրժուա-նադիրոնալիստական պարտիաների դեմ և մի քանի հազար տիրաժով տարածում է այն։ «Նոր հոսանք» խումբը ուշադրավ երևույթ է գաղութահայության պատմության մեջ, որպես ռևոլյուցիոն սոցիալ-դեմոկրատիայի առաջին փորձ-ներից մեկը սփյուռքում։

Ստեփան Շահրադյանի եռնդուն աշխատանքը պարտիայում, արհմիություններում, մասնավորապես հայ աշխատավորության շրջանում, նրա կրթուելույթները «Народен Дом» պարտիական ակումբում դարձնում են նրան Պլովդիվի պրոլետարիատի ճանաչված ղեկավարներից մեկը։ Նա բազմիցս բնորոշվում է պարտիայի ղեկավարային կոմիտեի անդամ։ Պլովդիվի պարտիական կազմակերպության մեջ Ստ. Շահրադյանի վայելած մեծ հեղինակության մասին է վկայում այն փաստը, որ նա բազմիցս ընտրվում է ԲԲՍԴ (տ. ս.) պարտիայի համագումարների ղեկավար Պլովդիվի պարտիական կազմակերպությունից։ 1906 թ. մինչև իր կյանքի վերջը Ստ. Շահրադյանը, որպես ղեկավար, մասնակցում է ԲԲՍԴ(տ. ս.)պարտիայի համարյա բոլոր համագումարներին և բնորոշվում է համագումարներէ ղեկավար մարմինների մեջ։ Մենք տեսնում ենք Ստեփան Շահրադյանին որպես ղեկավար ԲԲՍԴ(տ. ս.)Պ-ի, 1906 թ. Սիվկն քաղաքում կայացած տասներեքերորդ համագումարում։ Այստեղ նա ընտրվում է համագումարի քարտուղարություն կազմում¹⁶։ ԲԲՍԴ(տ. ս.)Պ տասնհինգերորդ համագումարում, որը տեղի ունեցավ 1908 թ. Փար-

¹⁶ См. «Българската Комунистическа партия в резолюции и решения на конгресите, конференциите и пленумите на ЦК. 1891—1918», Издателство на Българската Комунистическа партия, София, 1957, հատ. 1, էջ 185։

րովո քաղաքում, Ստ. Շահրաղյանը դարձյալ ղեկավարների շարքում է և համագումարի քարտուղարության անդամ¹⁷։ 1911 թ. Պլուզիվում, պարտիայի տասնութերորդ համագումարում Ստ. Շահրաղյանը ղեկավար է առևտրական ծառայողների կողմից և ընտրական հարցերով ղրազվող հանձնաժողովի անդամ, որի նախագահն է Ի. Բլազոնը¹⁸։ Ստ. Շահրաղյանը, որպես ղեկավար, մասնակցում է 1912 թ. Ռուսե քաղաքում կայացած պարտիայի տասնիններորդ համագումարին և ընտրվում է համագումարի մանդատային հանձնաժողովի անդամ¹⁹։ 1914 թ. Ստ. Շահրաղյանն ընտրվում է քսաներորդ համագումարի ղեկավար և այդ համագումարի քարտուղարության անդամ²⁰։ 1915 թ. Սոֆիայում կայացած ԲԲՄԴ(տ. ս.) պարտիայի քսանմեկերորդ համագումարում մենք դարձյալ հանդիպում ենք Ստ. Շահրաղյանի անվանը ղեկավարների և Կենտկոմի հաշվետու ղեկուցման առթիվ ստեղծված հանձնաժողովի կազմում²¹։

ԲԲՄԴ(տ. ս.) պարտիայի քսանմեկերորդ համագումարը տեղի ունեցավ այն մեծագույն ոգրերգությունից հետո, որն ապրեց հայ ժողովուրդը Թուրքիայում 1915 թ.։ Ստ. Շահրաղյանի կենսագրականի համար չափազանց կարևոր է այն փաստը, որ այս համագումարում Շահրաղյանը մտցնում և հիմնավորում է համագումարի կողմից ընդունված բողոքի հատուկ բանաձև «հայ ժողովրդին Թուրքական բարբարոսական օրհարսիայի կողմից ոչնչացնելու դեմ»²²։

Այս կարևոր, պատմական գրականության մեջ մինչև այժմ չմեկնարանված փաստաթուղթը մի անգամ ևս վկայում է բուլղարական բանվորական սոցիալ-դեմոկրատական (տեանյակների) պարտիայի խոր ինտերնացիոնալիզմի մասին, պարտիայի, որը զործելով պատերազմի պայմաններում և այն ժամանակ Գերմանիայի ու Թուրքիայի զինակիցը հանդիսացող երկրում, բարձրացրեց իր ձայնը հայ ժողովրդի ոչնչացման քաղաքականության դեմ։ Այս փաստաթուղթը լույս է սփռում եվրոպական սոցիալ-դեմոկրատիայի ամենաոռելույցիոն ջոկատներից մեկի՝ ԲԲՄԴ(տ. ս.) պարտիայի դիրքորոշման վրա այդ հարցում։

Բուլղանյան պատերազմների և առաջին համաշխարհային պատերազմի տարիներին Ստեփան Շահրաղյանը գտնվում է ռազմաճակատում։ Այդ տարիներին տեանյակների պարտիան մեծ աշխատանք է տանում ընդդեմ պատերազմի, ինտերնացիոնալիստական դիրքերից համարձակորեն պայքարելով բուլղարական բուրժուազիայի և միապետության ռազմական ավանտյուրաների քաղաքականության և սոցիալ-շովինիզմի դեմ։ Դրա հետ մեկտեղ ԲԲՄԴ(տ. ս.) Պ-ն ուղղույցիոն մեծ աշխատանք է կատարում ռազմաճակատում։ Ստեփան Շահրաղյանը գտնում է այդ աշխատանքի ակտիվ մասնակիցներից և կազմակերպիչներից մեկը, շարունակելով կապ պահպանել պարտիայի ղեկավարների հետ։ Հենց նրան՝ «զինվոր Ստեփան Շահրաղյանին» էր հասցեագրված Վասիլ Կոլարովի հայտնի նամակը, գրված Ստոկհոլմից 1917 թ. մայիսի 26-ին, որում նա, հաստատ վստահություն հայտնելով ուղղույցիայի հաղթանակի անխուսափելիության նկատմամբ, գրում էր. «այստեղից աշխարհը մի քիչ այլ

17 Նույն տեղում, էջ 216, 217։

18 Նույն տեղում, էջ 259, 260։

19 Նույն տեղում, էջ 280։

20 Նույն տեղում, էջ 293, 294։

21 Նույն տեղում, էջ 307։

22 Նույն տեղում, էջ 326։

կերպ է երևում, մենք շտապում ենք, բայց բոլորը չէ, որ շտապում են: Այնուամենայնիվ աշխարհը պտտվում է, և «նա» կղա»²³: Ստեփան Շահրազյանը մեծ աշխատանք է կատարում ռազմաճակատի զինվորների մեջ նրանց սիրելի թերթի՝ ԲԲՈՒԴ(տ. ս.)²⁴ մարտական օրգան «Работнически вестник»-ի տարածման գծով²⁵, ադիտացիոն աշխատանք է կատարում իր զորամասում, պարզարանելով տոաջին համաշխարհային պատերազմի իմպերիալիստական, չավթողական բնույթը, հակապատերազմական, ռեյուցիոն թուլացիկներ տարածելով ինչպես բուլղարական, այնպես էլ հակառակորդի բանակում:

Առաջին համաշխարհային պատերազմի տարիներին Ստեփան Շահրազյանը ծառայում էր 28-րդ հետևակային զնդում, որտեղ Բորիս Դիշլիևի, Դիմիտր Կրասնովի, Ստոյչո Կոստանդինովի, Իվան Շախաբովի, հրիստո Դիմիտրովի, Ստեփան Դիմիտրովի, հրիստո Խալաչևի և մյուս տեսնյակների հետ միասին կազմակերպում էր ռեյուցիոն աշխատանք զնդում²⁶: Ստեփան Շահրազյանը ֆրանսերեն լեզվով թուլացիկներ է գրում, որոնք տարածվում են բուլղարական բանակի ղեմ կողմից ֆրանսիական զորամասերում: Բուլղարական տեսնյակները, ուստի բոլշևիկների օրինակով զինվորների «եղբայրացման» ուղղությամբ մեծ աշխատանք էին տանում: Այդ աշխատանքը, մասնավորապես տարվում էր նաև 28-րդ զնդի ղեմ կանգնած ֆրանսիական զորամասերում: Այդ աշխատանքի մասնակիցներից մեկը, հրիստո Խալաչևը, իր հուշերում գրում է. «Այն ժամանակ (1917 թ. սեպտեմբերին) մեր զիմաց գտնվում էր ինչ-որ ֆրանսիական զորամաս: Ընկեր Շահրազյանը գիտեր ֆրանսերեն և նա գրեց երկու նամակ նույն բովանդակությամբ: Նամակներում գրում էինք մեր ղեմ կանգնած ֆրանսիացի բարեկամներին, որ մենք, ինչպես և նրանք բանվորներ ու զյուղացիներ ենք, որ այս պատերազմը հակաժողովրդական է, որ անմտություն է վայրենաբար իրար կոտորելը մեր և նրանց իշխանավորների՝ կապիտալիստների շահերի համար, որ պատերազմին վերջ կտրվի միայն երկու կողմերի զինվորների բնականորեն պայքարով—ճակատի երկու կողմերում՝ իրենց սեփական իշխանավորների ու կեղեքիչների ղեմ—ինչ որ գործով ցույց տվեցին ռուս զինվորները»²⁶: Նամակում առաջարկվում էր դադարեցնել կրակը և հրամանատարությունից դադարի զինվորների հանդիպում կազմակերպել: Երկու նամակն էլ—ինչպես պատմում է Խ. Խալաչևը—անցկացվեցին ռազմաճակատի գծից և թաքցվեցին ֆրանսիական խրամատների առջև, բայց այնպես, որ նկատվեն զինվորների կողմից: Պետք է ենթադրել, որ նամակները հասան ֆրանսիական զինվորներին, որովհետև հետևյալ մի քանի օրվա ընթացքում ֆրանսիական կողմից կրակ չբացվեց, իսկ որոշ ժամանակ անց հրամանատարությունը փոխարինեց այս զորամասը զուգվների զադուխյին զորամասով: Տեսնյակներն ավելի բնդլայնեցին զնդում տարվող աշխատանքը: Վերը թվարկած ընկերների հետ միասին Ստ. Շահրազյանը եղավ 28-րդ հետևակային զնդի հայտնի ապստամբության կազմակերպիչներից մեկը: Այդ ապստամբությունը բուլղարական բանակում տեղի ունեցած ռուս-

²³ Նամակի պատճենը մենք վերցրել ենք Սոֆիայի Վ. Կոլարովի Տոն-թանգարանի ֆոնդից:

²⁴ Р у ж а Ш а х б а з я н, ն.վ. հոդվ.

²⁵ Христо Халачев, Бунтът в 28 пехотен полк. Записки на един редник от първата световна война през 1914—1918 гг., Издателство на Българската комунистическа партия, էջ 58:

²⁶ Նույն տեղում, էջ 119:

յուլյան աչքի ընկնող ելույթներից մեկն էր: Իր ընկերների հետ միասին Ստ. Շահրազյանը, որպես ապստամբության ղեկավարներից մեկը, հանձնվում է ռազմական տրիբունալի դատին²⁷:

Ավարտվում է առաջին համաշխարհային պատերազմը և Ստեփան Շահրազյանը, վերադառնալով ռազմաճակատից, ամբողջապես նվիրվում է ռեյուցիոն պարտիական աշխատանքին: Պարտիայի կենտրոնական կոմիտեն մեծ վստահություն է ցուցաբերում նրա նկատմամբ: 1918 թ. Ստեփան Շահրազյանն ընտրվում է ԲԲՄԴ(տ. ս.)Պ Պլովդիվի քաղաքային պարտիական կազմակերպության քարտուղար, իսկ ավելի ուշ՝ նաև Պլովդիվի օկրուգային կոմիտեի քարտուղար: Նա մեծ աշխատանք է սկսում ինչպես քաղաքում, այնպես էլ օկրուգի գյուղական բնակչության մեջ:

1919 թ. մարտ ամսին տեղի է ունենում ԲԿՊ առաջին՝ հիմնադիր համագումարը և ստեղծվում է Բուլղարական կոմունիստական պարտիան, որը դառնում է կոմիտեների մարտական սեկցիաներից մեկը: Այդ նույն համագումարում Ստ. Շահրազյանն ընտրվում է ԲԿՊ կենտրոնական կոմիտեի (Բարձրագույն պարտիական խորհրդի) անդամ²⁸ և շարունակում է աշխատանքը որպես ԲԿՊ Պլովդիվի կոմիտեի քարտուղար:

1918—1923 թթ. Ստեփան Շահրազյանի կյանքի և գործունեության ամենաեռանդուն և բեղմնավոր շրջանն էր: Շահրազյանն արդեն լիովին ձևավորված, հասուն և պատրաստված պարտիական ղեկավար էր:

1919 թ. հունվար ամսին նշվում է Պլովդիվի սոցիալ-դեմոկրատական կազմակերպության 25-ամյակը: Ստեփան Շահրազյանի նախագահությամբ «Народен Дом»-ում անց է կացվում հանդիսավոր հուրկյանական ժողով: «Работнически вестник» թերթում հրապարակված է հուրկյանական ժողովի հեռագիրը Դ. Բլագոևին, որը ստորագրել է Ստ. Շահրազյանը: Ողջունելով «սիրելի ուսուցչին և Պլովդիվի պարտիական կազմակերպության հիմնադրին», Ստ. Շահրազյանը, կոմունիզմի գործի հաղթանակի հավատով լի, գրում էր. «Սոցիալիստական սերմերը բուռն կերպով աճում են փոթորիկների մեջ, ծաղկում և հասունանում են նրանց պտուղները, երջանկացնելու համար Բուլղարիայի բանվոր դասակարգը»²⁹:

1919 թ. նոյեմբերի 19-ին Պլովդիվում տեղի է ունենում աշխատավորների հայտնի ցույցը, որն այդ շրջանում երկրում տեղի ունեցած խռորազույն քաղաքական ցույցերից մեկն էր: Ստեփան Շահրազյանը Պենչո Սավովի, Բվան Ֆրեսովի և Պլովդիվի պրոլետարիատի մյուս ղեկավարների հետ միասին այդ ցույցի և «Զումայա» հրապարակում տեղի ունեցած հայտնի միտինգի կազմակերպիչներից ու ողբերգիներից մեկն էր: Ստ. Շահրազյանը գրում է «Ելիր ժողովուրդ» հայտնի թուղթեր³⁰, որը ցույցի նախօրյակին հաղարավոր օրինակներով տարածվում է ժողովրդի մեջ և կոչ է անում աշխատավորներին մասնակցել «Զումայա» հրապարակում կայանալիք միտինգին: Պենչո Սավովը կազմում է միտինգի բանաձևի նախագիծը: Նոյեմբերի 19-ին Պլովդիվի

27 Նույն տեղում:

28 Մ. Իվանով, Առնական մարտիկ և հայրենասեր:

29 ՆԵՍ «Работнически вестник» թերթի 1919 թ. հունվարի 11-ի համարը:

30 Тодор Белчов, Пенчо Савов. Биографичен очерк. Годишник на музеите в Пловдив, III, Държавно издателство «Христо Г. Данов», Пловдив, 1960, էջ 187:

բանվորներն ու աշխատավորները բազմաթիվ շարասյուններով շարժվում են դեպի «Զումայա» հրապարակը: Պլովդիվի տարրեր կողմերից դեպի հրապարակ շարժվող շարասյունները գլխավորում էին քաղաքի պարտիական ղեկավարները: Քաղաքի բանվորական ամենամեծ թաղամասի՝ կայարանի շրջանի շարասյան գլուխն էին կանգնած Ստեփան Շահրադյանը և Պենչո Սավովը: Ոստիկանությունը փորձում է խանգարել ցույցը, կրակ է բացում ցուցարարների վրա, սպանում ու վիրավորում է բազմաթիվ բանվորների: Ցույցից հետո, Ստեփան Շահրադյանը, մյուս ղեկավարների հետ միասին, ենթարկվում է ոստիկանության հալածանքներին³¹:

1918—1923 թթ. Ստեփան Շահրադյանի համար բնորոշվում են եռանդուն աշխատանքով նաև բուլղարահայ աշխատավորության շրջանում՝ մի աշխատանք, որ կատարվում էր ԲԿՊ Կենտրոնական կոմիտեի ուղղակի ցուցումով: Ստեփան Շահրադյանի ղործունեության այդ կողմը կարևոր նշանակություն ունի, քանի որ մեծ աշխատանք կարող ենք որոշակիորեն ասել, որ նրա անվան հետ է անմիջականորեն կապվում սփյուռքահայ կոմունիստական առաջին խմբերի և արտասահմանյան հայ կոմունիստական մամուլի հիմնադրումը: Իրավացի է բուլղար պատմաբան Մ. Իվանովը, երբ գրում է, որ «մեծ են Ստ. Շահրադյանի ծառայությունները բուլղարահայ փոքրամասնության հեղափոխական պայքարներում մեջ: Այն երկար տարիներ կաշխատի հայ աշխատավորներու դասակարգային գիտակցության բարձրացման, անոնց կազմակերպման համար»³²: 1918 թ. ռազմաճակատից վերադառնալով, Ստեփան Շահրադյանը, ընդհանուր պատասխանատու պարտիական աշխատանքի հետ մեկտեղ, հատուկ աշխատանք է սկսում բուլղարահայ գաղութի մեջ:

Բուլղարական պրոլետարիատի ռեյոլուցիոն պայքարի ընդհանուր վերելքը, որը տեղի ունեցավ Մեծ Հոկտեմբերի անմիջական ազդեցության ներքո, դասակարգային պայքարի հետագա սրումը երկրում, բերեցին բուլղարահայ աշխատավորների գիտակցության հետագա աճ և ակտիվացրին նրանց մասնակցությունը համարբուլղարական բանվորական ռեյոլուցիոն շարժմանը:

Հայկական բուրժուա-նացիոնիստական պարտիաները Բուլղարիայում, թունավորելով հայ աշխատավորների գիտակցությունը, ամեն կերպ ձգտում էին բթացնել նրանց դասակարգային զգոնությունը, վերցնել իրենց ազդեցության տակ, հեռու պահել նրանց երկրում ծավալվող դասակարգային պայքարից մասնակցելուց: Բուլղարական կոմունիստական պարտիան մեծ աշխատանք է սկսում երկրի ազգային փոքրամասնությունների, այդ թվում հայերի շրջանում: Այդ ամբողջ աշխատանքի ղեկավարն ու կազմակերպիչն է դառնում Ստեփան Շահրադյանը տեսնյակների պարտիայի հայ վետերանների և բուլղարահայության շարքերից ելած երիտասարդ կոմունիստների հետ միասին: Դեռ 1918 թ. վերջին, ինչպես գրում է Գրիգոր Շիշմանյանը (Շիշկո), Վ. Կոյարովի առաջարկով «մի քանի պարտիական ընկերներ Պլովդիվում՝ Ստեփան Շահրադյանի գլխավորությամբ, նախաձեռնություն վերցրին կազմակերպելու հատուկ աշխատանք բուլղարահայ աշխատավորության շարքերում»³³: 1919 թ.

31 Р у ж а III а х б а з я н. նշվ. հոդվ.:

32 Մ. Իվանով, Առնական մարտիկ և հայրենասեր:

33 Գ. Շիշմանյան (Շիշկո), Հիշողություններ Ստ. Շահրադյանի մասին, ՍՄԿԿ Կենտկոմին կից Մարքսիզմ-լենինիզմի ինստիտուտի Հայկական ֆիլիալի արխիվ, ֆոնդ № 4055, ցուցակ № 1, գործ 6, թ. 14:

Պլովդիվում Ստեփան Շահրապյանի ղեկավարությամբ կազմակերպվում է «Հայ բանվորական կոմունիստական ինքնազարգացման միություն»-ը՝ հայ աշխատավորների մեջ կոմունիստական գաղափարներ տարածելու և նրանց շարքերում ռևոլյուցիոն աշխատանք տանելու նպատակով: 1919 թ. հուլիս ամսին այդ «Միությունը» հրապարակում և տարածում է սիյուռաբահայության կյանքում կարևոր պատմական նշանակություն ունեցող մի փաստաթուղթ՝ աշխարհի բոլոր հայ բանվորներին և աշխատավորներին ուղղված «Կոչ»-ը, որի հեղինակն էր Ստեփան Շահրապյանը³⁴:

Այս փաստաթուղթը վկայում է, որ նրա հեղինակը հասուն մարքսիստ էր, տեսական բարձր պատրաստության պարտիական ղեկավար, որը կարողանում էր ստեղծագործորեն կիրառել մարքսիզմը հայկական կոնկրետ իրականության վերլուծության համար: «Կոչ»-ում հետևողական մարքսիստական դիրքերից մերկացվում էին կապիտալիստական հասարակարգը և հայ բուրժուանացիոն աշխատական պարտիաները: «Կոչ»-ը հայ աշխատավորության առաջ խնդիր էր դնում համախմբվել Կոմիտեներին և կոմունիստական դրոշի շուրջը, Հոկտեմբերյան ռևոլյուցիայի և պրոլետարիատի դիկտատուրայի գաղափարի շուրջը: Արդեն 1919 թ. «Կոչ»-ում որոշակի նշվում էր, որ հայ ժողովրդի ազատագրումը հնարավոր է միայն Հայկական Սովետական Սոցիալիստական Ռեսպուբլիկայի ստեղծման պայմաններում:

1920 թ. հունվար ամսին, Ստեփան Շահրապյանի անմիջական ղեկավարությամբ, մշակվում է Երկրորդ կարևոր քաղաքական փաստաթուղթը՝ «Հայ բանվորական կոմունիստական ինքնազարգացման միություն» «Շրջաբերական, թիվ 1»-ը, որի մեջ ձևակերպված են բուլղարահայերի շրջանում տարվող աշխատանքի հիմնական քաղաքական սկզբունքները³⁵: Այս փաստաթղթում, մասնավորապես, սուր քննադատության էր ենթարկվում և մինչև վերջ մերկացվում դաշնակցական պարտիայի և դաշնակցական կառավարության ավանդուրիստական քաղաքականությունը և խոր հավատ էր հայտնվում Հայաստանում Սովետական իշխանության հաղթանակի նկատմամբ:

1919—1920 թթ. Ստեփան Շահրապյանի ղեկավարությամբ բուլղարահայ գաղութում մեծ աշխատանք է տարվում հայկական կոմունիստական խմբեր ստեղծելու, հայերեն կոմունիստական թոռացիկներ և կոլեր տարածելու, ինչպես նաև հայկական կոմունիստական պարբերական մամուլ ստեղծելու ուղղությամբ: 1920 թ. բուլղարահայերի մեջ տարվող բանավոր և տպագիր կոմունիստական պրոպագանդայի գործը ղեկավարելու համար ԲԿՊ Կենտկոմի և անձամբ Վ. Կոլարովի ցուցումով Պլովդիվում ստեղծվում է կենտրոնական հատուկ օրգան՝ «Մամուլի կոմիտե»³⁶, որի նախագահ է ընտրվում Ստեփան Շահրապյանը: «Մամուլի կոմիտեն», ԲԿՊ Կենտկոմի օգնությամբ, ձևակերպում է մեծ գործ՝ հայկական կոմունիստական թերթի ստեղծումը: Կոմիտեի եռանդուն աշխատանքի և Ստ. Շահրապյանի ջանքերի հետևանքով, 1920 թ. հուլիսի 15-ին Պլովդիվում լույս է տեսնում սիյուռաբահայ կոմունիստական առաջին թերթը՝ «Կարմիր լուրեր»-ը, իսկ այնուհետև, 1922 թ.՝ «Նոր աշխարհ»-ը: Երկու թերթն էլ Բուլղարական կոմունիստական պարտիայի Կենտրոնական կոմիտեի հայե-

³⁴ «Կոչ»-ը տե՛ս Բուլղարական կենտրոնական պարտիական արխիվ (ԿՊԱ—Սոֆիա), ֆոնդ. № 3, ցուցակ № 4, արխ. միավոր № 7, թթ. 16—23:

³⁵ Տե՛ս նույն տեղում, թթ. 2—9:

³⁶ Р у ж а И л л а х б а з я н, նշվ. հոդվ.:

ընեն օրգաններն էին: Ստ. Շահրադյանը այդ մարտական օրգանների խմբագիրն էր: Նրա գրչին են պատկանում այդ թերթերում հրապարակված մի շարք հոդվածներ: Նա հանդես է եկել նաև բազմաթիվ հոդվածներով բուլղարական պարտիական մամուլում: «Կարմիր լուրեր» թերթի առաջին իսկ համարում 1920 թ. հուլիսի 15-ին տպագրված է Ստ. Շահրադյանի զբոսն պատկանող «Մեր խոսքը» ծրագրային առաջնորդողը: Ծավալով փոքր այս հոդվածում տրվում էր միջազգային կյանքի, համաշխարհային պրոլետարիատի ուղղությունն պայքարի և հայ պրոլետարիատի ու աշխատավորության առաջ կանգնած խնդիրների սեղմ, մարքսիստական ձիշտ վերլուծությունը:

Բնութագրելով մարդկության կյանքում տեղի ունեցած շրջադարձը, Շահրադյանը գրում էր, որ «Կարմիր լուրեր» ասպարեզ կելլա բոլոր մեր, երբ համաշխարհային իմպերիալիստական պատերազմը բացավ սոցիալական հեղափոխության մեծ շրջանը» և որոշակի նշում էր, որ «ամեն երկրի պրոլետարիատի մոտավոր անհետաձգելի գործն է կազմակերպել երկրին բոլոր հեղափոխական ուժերը՝ քաղաքական իշխանությունը գրավելու և սոցիալիզմը իրագործելու նպատակով»:

1920—21 թթ. Ստեփան Շահրադյանը մեծ աշխատանք է տանում բուլղարահայ գաղութի բոլոր ուղղություն ուժերը ԲԿԴ-ի շուրջը համախմբելու, հայկական կոմունիստական խմբերի կազմակերպման ձևավորումն ավարտելու և նրանց աշխատանքը կոորդինացնելու ու կենտրոնացնելու համար: Այդ նպատակով 1921 թ. փետրվար ամսին Պլովդիվում անց է կացվում բուլղարահայ առաջին կոմունիստական կոնֆերանսը: Կոնֆերանսի աշխատանքը ղեկավարում է Ստեփան Շահրադյանը: Որպես նախագահ բացելով կոնֆերանսը, Ստ. Շահրադյանը կանգ է առնում Հայաստանում Սովետական իշխանության հաղթանակի վրա: Նա նշում է, որ հայ ժողովուրդը, երկար տարիների տառապանքներից և մեծ զոհերից հետո ձեռք բերեց այդ հաղթանակը, որովհետև Հոկտեմբերյան մեծ ուղեգրից ազդեցության ներքո նա գնաց Կոմինտերնի նշած ուղիով³⁷: Խոսելով այն պայմանների մասին, որոնցում տեղի է ունենում կոնֆերանսը և նշելով կոնֆերանսի քննարկմանը ենթակա հարցերը, Շահրադյանը որպես առաջնահերթ խնդիր առաջ է քաշում բուլղարահայ աշխատավորների մեջ տարվող կոմունիստական ագիտացիայի ու պրոպագանդայի հետագա ընդլայնման անհրաժեշտությունը: Կոնֆերանսն ավարտվելուց հետո նրա արդյունքների լուսարանումով բուլղարական պարտիական մամուլում հանդես եկավ Ստ. Շահրադյանը³⁸: Կոնֆերանսն ընտրեց «Մամուլի կոմիտեի» նոր կազմ, որը նորից գլխավորեց Ստեփան Շահրադյանը:

Սովետական իշխանության հաղթանակը Հայաստանում ոգեշնչող գործոն դարձավ սփյուռքահայ կոմունիստների համար: Հայաստանում սովետական կարգերի հաղթանակի լուրը խանդավառություն բնորոշեց Ստ. Շահրադյանը և իրեն հատուկ եռանդով ձեռնարկեց ու գլխավորեց բուլղարահայ գաղութում Սովետական Հայաստանի պրոպագանդայի, նրան օգնություն կազմակերպելու և ներգաղթի գործը:

³⁷ Տե՛ս Կոնֆերանսի արձանագրությունները, Բուլղարական կենտրոնական պարտիական արխիվ (ԿԴԱ-Սոֆիա), ֆ. 3, ց. 1, արխ. մ. 14, թ. 1:

³⁸ Տե՛ս նրա «Първата арменска комунистическа конференция в България» հոդվածը «Работнически вестник» թերթի 1921 թ. փետրվարի 23-ի համարում:

Բուլղարական կոմունիստական պարտիան այդ տարիներին մեծ աշխատանք էր կատարում Սովետական Ռուսաստանի սովյալներին Եղբայրական օգնություն կազմակերպելու ուղղությամբ: Աշխատանք ծավալվեց նաև Սովետական Հայաստանին օգնություն ցույց տալու համար: ԲԿՊ ղեկավարության ներքո գործող «Освобождение» բանվորական կոոպերատիվը 1921 թ. հավաքեց հացահատիկ, տարրեր սննդամթերքներ և այլ նվերներ Մերձվոլգայի շրջաններին և Հայաստանի բնակչությանը օգնելու համար և 1921 թ. վերջին հատուկ շոգենավով ուղարկեց այդ նվերները Բաթում՝ Ռուսաստանին և Հայաստանին հանձնելու համար: Բուլղարական կոմունիստական պարտիայի Կենտրոնական կոմիտեի և «Освобождение» կոոպերացիայի որոշումով այդ նվերները հանձնելու համար Ռուսաստան և Հայաստան գործուղվեցին ԲԿՊ Կենտկոմի անդամներ Նիկոլա Պենև և Ստեփան Շահրաղյանը³⁹: Այդ ուղևորության մասնակից Դիմո Շիվարովը գրում է, որ Ստեփան Շահրաղյանը «հատուկ միսիայով մեզ հետ միասին մեկնեց Սովետական Հայաստան»⁴⁰:

Այսպիսով, Ստեփան Շահրաղյանն առաջին սփյուռքահայ կոմունիստ գործիչն էր, որ պաշտոնապես այցելեց Հայաստան, որպես Եղբայրական կոմունիստական պարտիայի ներկայացուցիչ: Բաթումում Ստ. Շահրաղյանը հանձնում է նվերները, զալիս է Թրիխսի, իսկ այնուհետև՝ Երևան, ուր մնում է մոտ երկու ամիս և ծանոթանում Հայաստանում սկսված վերածննդին:

Սովետահայ մամուլում պահպանվել է Ստ. Շահրաղյանի այս այցելության մեկ ուշադրավ վկայությունը: 1921 թ. դեկտեմբեր ամսին Ստ. Շահրաղյանը հանդես է գալիս «Խորհրդային Հայաստան» թերթում Բուլղարական կոմունիստական պարտիային նվիրված ծավալուն հոդվածով⁴¹: Այս հոդվածում Ստ. Շահրաղյանը տալիս է ԲԿՊ-ի պատմական ուղու վերլուծությունը, նշելով, որ «Ռուսական սոցիալիստական մտքի ազդեցության ներքո ծագում է առել նաև բուլղարական սոցիալիստական միտքը»: Նա տեղեկություններ է տալիս հայկական կոմունիստական խմբերի և «Կարմիր լուրեր» թերթի մասին, մանրամասն ծանոթացնում է հայ ընթերցողին ԲԿՊ-ի կառուցվածքի և բնթացիկ աշխատանքի հետ: ԲԿՊ-ի գործի նկատմամբ հավատով լի Ստ. Շահրաղյանն ավարտում է հոդվածը հետևյալ բառերով. «Բուլգ. կոմ. կուսակցությունը պիտի շարունակի իր դժած ճանապարհը և պիտի պայքարի իր բոլոր ուժերով մինչև որ Բուլղարիայի մեջ ևս հաստատվեն Սովետական կարգեր ու ուժեր»:

Դաշնակները չէին ուղում, որ Ստ. Շահրաղյանը վերադառնա Բուլղարիա: Նրանց ձեռնառն չէր, որ գաղտնի լինի մեկը, և այն էլ Շահրաղյանի պես մարդ, որն իր աչքով տեսել էր վերածնունդ Հայաստանը: Ահա ինչու Հայաստանից Բուլղարիա վերադառնալու ճանապարհին, Կոստանդնուպոլսում, դաշնակները փորձում են մահափորձ կազմակերպել նրա դեմ: Սակայն տեղական կոմունիստների օգնությամբ Շահրաղյանը փրկվում է դաշնակների տեղորոյց և 1922 թ. սկզբին բարեհաջող վերադառնում է Բուլղարիա: Այստեղ նա ակադեմիկոսի օգնությամբ ելույթներ է ունենում հրապարակային ժողովներում,

³⁹ Գրիգոր Շիշմանյան, Ստեփան Շահրաղյան (մահվան 35-ամյակի առթիվ):

⁴⁰ Димо Шиваров, Братска помощ, տե՛ս «17-та година. Спомени на Българска революционери за Октомврийската революция и отражението и у нас», Издателство на Българската комунистическа партия, София, 1957, էջ 352:

⁴¹ Տե՛ս Ստ. Շահրաղյանի «Բուլղարական կոմունիստական կուսակցությունը» հոդվածը, «Խորհրդային Հայաստան», 1921, դեկտեմբերի 23:

միտինգներում և մամուլում⁴², պատմում Սովետական Հայաստանի մասին: Դրա պատճառով նա ենթարկվում է ինչպես պաշտոնական իշխանությունների, այնպես էլ դաշնակ ավանդյուրիստների հալածանքին:

Բուլղարահայ կոմունիստների երկրորդ կոնֆերանսում, որը տեղի ունեցավ 1922 թ. հունիսի 4—5-ին, ղեկավարները լսեցին Ստ. Շահրաղյանի զեկուցումը Հայաստան կառարած իր այցելության մասին⁴³:

Սովետական Հայաստանի պրոպագանդան Ստ. Շահրաղյանը սերտորեն շաղկապում է բուրժուա-նացիոնալիստական ուժերի և առաջին հերթին կոնտրոնոլյուցիոն դաշնակցության մերկացման հետ: Սովետական Հայաստանի այցելությանը նվիրված իր հոդվածում նա դրում էր. «Դաշնակցությունը» Հայաստանի մեջ մեռած է, իսկ արտասահմանի մեջ սկսած է անոր մահացման պրոցեսը, զոր մենք, արտասահմանի հայ կոմունիստներս, ինչպես նաև Խորհրդային Հայաստանի բոլոր անկեղծ բարեկամները, պետք է արագացնենք. որպեսզի այս ազգադավաճան կուսակցությունը նույնպես և արտասահմանի մեջ մեռյալ դիակ մո գոռա»⁴⁴:

1922—23 թթ. Բուլղարիայում տեղի է ունենում դասակարգային պայքարի հետագա ուժեղացում, շարունակվում է Բուլղարական կոմունիստական պարտիայի հեղինակության աճը: Բուլղարական բուրժուազիան երկրի ֆաշիզացման ուղին է բռնում, սկսում է կոնտրոնոլյուցիոն հեղաշրջում նախապատրաստել: Այդ տարիներին Ստ. Շահրաղյանը մարտական դիրքերում է, ամբողջապես կլանված է ռեյուցիոն պայքարով երկրում գլուխ բարձրացնող ֆաշիզմի դեմ, ոգեշնչում և մորիլիզացնում է աշխատավորներին պայքարելու հանուն սոցիալիզմի հաղթանակի: Իր վերջին հոդվածներից մեկում, «Նոր աշխարհ» թերթի 1923 թ. մայիսմեկյան համարում, Ստ. Շահրաղյանը գրում էր. «Պատերազմեն վերջ հեղափոխական շրջանի ալիքները և որոտումը, որ մոխրի դարձուցին երկրորդ Ինտերնացիոնալը, վերստին կենդանություն տվին մայիս մեկին, որուն հեղափոխական բովանդակությունը խորապես ըմբռնված է այլևս երրորդ կոմունիստական Ինտերնացիոնալի դրոշին տակ համախմբված և քալող ճնշված բոլոր ազգերու կողմե: Բուրժուական ընկերությունը իր վերջին ժամերը կապրի, կը մեռնի նաև անոր զործիքը—երկրորդ Ինտերնացիոնալը:

Անոնց փոխարեն կը ծնին և կը զարգանան Խորհրդային իշխանությունը և անոր ամենասուր զենքը եղող երրորդ կոմունիստական Ինտերնացիոնալը:

Կեցցե՛ Խորհրդային իշխանությունը:

Կեցցե՛ երրորդ Ինտերնացիոնալի մայիսի 1-ը»:

1923 թ. հունիսի 9-ին Բուլղարիայում տեղի ունեցավ պետական հեղաշրջում, որն իրականացրեց ռեակցիոն բուրժուազիան: Իշխանության գլուխ անցավ Յանկովի ֆաշիստական կլիկը: Կառավարությունն արգելեց կոմունիստական թերթերը և վայրենի հալածանքներ սկսեց կոմունիստների նկատմամբ: ԲկՊ սկսում է պրոլետարիատի զինված ապստամբություն նախապատրաստել ֆաշիստական դիկտատուրայի դեմ: Ստ. Շահրաղյանը քաղաքի պարտիական մյուս ղեկավարների հետ լարված աշխատանք է տանում այդ ուղղությամբ:

⁴² Տե՛ս «Նոր աշխարհ», 1922, N 2 և ուրիշներ:

⁴³ Տե՛ս Բուլղարական կոնտրոնոլյուցիոն պարտիական արխիվ (ԿՊԱ—Սոֆիա), ֆոնդ N 3, ցուցակ N 1, արխ. միավոր N 24, թ. 2: Կոնֆերանսում Ստ. Շահրաղյանի բացակայության պատճառով նրա զեկուցումը ընթերցեց Գր. Շիշմանյանը:

⁴⁴ «Նոր աշխարհ», 1922, N 2:

Ցանկովի կառավարությունը որոշում է գլխատել պրոլետարիատին՝ ամենուրեք բանտարկելով ու մեկուսացնելով նրա ղեկավարներին: 1923 թ. սեպտեմբերյան հերոսական ապստամբության նախօրյակին սկսվում են պարտիայի ղեկավարների և ակտիվ կոմունիստների մասսայական ձերբակալություններ: Ձերբակալվում են նաև Պլովդիվի պարտիական կազմակերպության համարյա բոլոր ղեկավարները:

1923 թ. սեպտեմբերի 11-ի լույս 12-ի գիշերը քաղաքում տեղի է ունենում պարտիական կարևոր ժողով: Ժողովից տուն վերադառնալով, գիշերվա ժամը 3-ին Շահբաղյանը ձերբակալվում է: Նրան պահում են ժանդարմերիայում, ապա տեղափոխում բանտ, իսկ սեպտեմբերի 26-ի լույս 27-ի գիշերը գաղտնի դուրս են բերում Պլովդիվից և դեպի Պոլիս տանող խճուղու վրա, Կեմերս: Վայելում, գազանարար սպանում են քաղաքի տասնմեկ կոմունիստ ընկերներին հետ:

Այդ գիշեր Ստեփան Շահբաղյանի հետ զոհվեցին նրա մարտական ընկերները՝ Նիկոլա Գլըրովը, Պենչո Սավովը, Նիկոլա Կովաչևը, Կոստանդին Գեչևը, Նրիստո Գեմկովը, Սուլումոն Մուխովը, Տրիֆոն Իլիևը, Ստոյան Բայաջևը, Անգել Շիշկովը, Խենրիխ Խերշկովիչը և Ասեն Իդնատովը⁴⁵: Մինչև կյանքի վերջին րոպեները, մինչև վերջին շունչը Ստեփան Շահբաղյանը հավատարիմ մնաց պարտիայի և բանվոր դասակարգի գործին, այն ուղուն, որի վրա ոտք էր դրել իր գիտակցական կյանքի առաջին իսկ օրերից: «Կոմունիստ եղել եմ, կոմունիստ էլ կմեռնեմ» — այս բառերով ավարտվեց պարտիայի աննկուն մարտիկի քառասնամյա կյանքի ուղին:

1947 թ. իր 70-ամյակի առթիվ այցելելով Պլովդիվ, Վասիլ Կուլարովը հանդիպում ունեցավ տեղական պարտիական ակտիվի հետ, հիշեց իր աշակերտներին ու գինակիցներին և նորից բարձր գնահատական տվեց Ստեփան Շահբաղյանին: Բնութագրելով Պլովդիվի պրոլետարիատի տաղանդավոր ղեկավարներ Նիկ. Գոսպոդինովին և Ստեփան Քիրաջևին Կուլարովն ասաց. «Ականավոր պարտիական և քաղաքական գործիչներ էին նույնպես՝ Ստեփան Շահբաղյանը, Պենչո Սավովը, Բրայկո Լուկովը, Ստեփան Դիշիևը, Պենչո Տոդորովը, Վասիլ Գորանովը, Արգիր Դեմիրովը, Ջիշո Իսմիլյանը՝ հայ, Գլըրովը՝ Պլովդիվի առաջին կոմունիստ քաղաքագլուխը և ուրիշներ»⁴⁶:

Պլովդիվի աշխատավորները բարձր են պահում Ստեփան Շահբաղյանի հիշատակը: Նրա անունով է կոչված քաղաքի հրապարակներից մեկը: 1955 թ. հունիսի 2-ին Ստեփան Շահբաղյանի և նրա տասնմեկ ընկերների գնդակահարման վայրում, ԲԿՊ ղեկավար աշխատողների և արտասահմանյան հյուրերի ներկայությամբ, տեղի ունեցավ նրանց հիշատակին նվիրված հուշարձանի բացումը: «Պլովդիվ» ամսագիրը այդ առթիվ գրեց. «Այս հուշարձանը հիշեցնում է սերունդներին, որ պետք է սրբությամբ պահպանել այն մեծ գործը, որին ծառայեցին և որի համար իրենց կյանքը տվին ժողովրդի այս արժանի ղավակները»⁴⁷:

⁴⁵ Տե՛ս «Верни на народа синове» հոգվածը «Пловдив» ամսագրում, 1955, № 4, էջ 4—5:

⁴⁶ Տե՛ս «Отечествен глас», 1947, հուլիսի 16:

⁴⁷ Տե՛ս «Верни на народа синове» հոգվածը «Пловдив» ամսագրում, 1955, № 3, էջ 3—4:

СТЕПАН ШАХБАЗЯН

(К 80-летию со дня рождения)

Р. Г. ХАЧАТРЯН

(Р е з ю м е)

Мужественный борец болгарского рабочего и коммунистического движения Степан Шахбазян является учеником Д. Благоева и В. Коларова, соратником славных руководителей пловдивского пролетариата — Н. Господинова, Ст. Кираджиева, П. Савова, Б. Лукова, Ст. Дишлиева, П. Тодорова, В. Горанова, А. Демирова, Н. Глыбова, Н. Гинева и других.

Ст. Шахбазян родился 1 мая 1883 г. в г. Пловдиве. С юных лет он находился под влиянием Дм. Благоева и стал участником революционного движения; с 1901 г. — член БРСДП, а с 1903 г. состоял в партии тесняков и являлся активным деятелем профсоюзного движения. Избран делегатом XIII, XV, XVIII, XIX, XX, XXI съездов БРСДП (т. с.). В 1912—1918 гг. он проводит революционную работу на фронте. По окончании войны Шахбазян на руководящей партийной работе — секретарь Пловдивского городского и окружного комитетов партии. В 1919 г. на Первом съезде БКП он избирается членом Высшего Партийного Совета. БКП проводила большую работу среди национальных меньшинств страны по их интернациональному воспитанию и вовлечению в революционное движение болгарского пролетариата. Эту работу среди трудящихся армян возглавлял Ст. Шахбазян. В 1919 г. он, по указанию ЦК БКП, возглавил созданный в Пловдиве «Армянский рабочий коммунистический союз». Ст. Шахбазян пишет известное «Обращение» этого союза ко всем трудящимся армянам за рубежом, руководит работой армянских коммунистических групп, а в 1920 г. избирается председателем «Комитета печати», созданного по указанию В. Коларова для работы среди трудящихся армян. В феврале 1921 г. Шахбазян руководит работой Первой конференции армянских коммунистов Болгарии. В результате его усилий в июле 1920 г. выходит первая армянская коммунистическая газета за рубежом «Кармир лурер», а в 1922 г. — газета «Нор ашхар». Обе газеты являлись органами БКП. Шахбазян являлся их редактором. В 1921 г. Шахбазян, по заданию ЦК БКП, посещает Советскую Армению. Вернувшись в Болгарию, проводит энергичную работу по оказанию помощи Советской Армении, пропагандируя ее новый путь и разоблачая армянские буржуазно-националистические партии. Высокую оценку деятельности Ст. Шахбазяна дал В. Коларов.

Ст. Шахбазян расстрелян в сентябре 1923 г. бандами фашистского правительства Цанкова в числе многих руководителей пловдивского пролетариата.